

आकाशवाणी

खास-खास खबरां:-

- प्रधानमंत्री नरेन्द्र मोदी होर उत्तर-प्रदेश दे वाराणसी च अज्ज चंऊ नमीं वंदे भारत एक्सप्रेस ट्रेनें गी झंडी दस्सियै रवाना करगंन।
- राष्ट्रपति द्रौपदी मुर्मू होर अज्ज दंऊ मुखे अंगोला ते बोत्स्वाना दी दंऊ दिनें दी यात्रा पर रवाना होगंन।
- एन.डी.ए ते महागठबंधन दे बड्डे लीडरें बिहार च वोटरें तक्कर पुज्ज सरबन्धी गतिविधियां तेज कीतियां। विधानसभा चुनां दे दुए मरहले दे प्रचार लेई सिर्फ दंऊ दिन गै बचे देन।
- दिल्ली ब्हाई अड्डे पर तकनीकी खराबी गी दूर करी लैता गया ऐ। नागरिक हवाबाजी मंत्रालय नै तौले गै सामान्य आओ-जाई शुरु करने दा भरोसा दिता।
- क्रिकेट च 5 मैचें दी टी-20 श्रृंखला दा अखीरी मैच अज्ज ब्रिस्बेन च आस्ट्रेलिया ते भारत बश्कार खेड्डेया जाग।

<><><><><><>

PM -Varanasi Visit

प्रधानमंत्री नरेन्द्र मोदी उत्तर-प्रदेश दे वाराणसी च 4 नमीं वंदे भारत एक्सप्रेस ट्रेनें गी झंडी दस्सियै शुरु करगंन। मोदी होर कल संजा अपने संसदीय क्षेत्र वाराणसी पुज्जे।

उन्दे औने पर शहर-वासियें ते पार्टी कार्यकर्ताएं उन्दा सोआगत कीता। नमीं वंदे भारत एक्सप्रेस ट्रेनां बनारस-खजुराहो-लखनऊ-सहारनपुर, फिरोजपुर- दिल्ली ते एर्नाकुलम-बेंगलुरु मझाटै चलगंन। एह ट्रेनां सफर दी समे अवधि गी घट्ट करगंन- श्रेत्रीय गतिशीलता गी बदागंन- पर्यटन गी बढ़ावा देगंन ते मुख्य भर च आर्थिक गतिविधियें गी होर तेज करगंन। बनारस-खजुराहो वंदे भारत इस मार्ग पर सिद्धा सम्पर्क स्थापित करोग ते मौजूदा समें च विशेष ट्रेनें दी तुलना च 2 घेंटे 40 मिनट दे समें दी बचत करौग। लखनऊ-सहारनपुर सेवा इस छिंडे गी 7 घेंटे 45 मिनट च पूरा करोग- जेदे नै हरिद्वार तगर पुज्ज सौखी होई जाग। फिरोजपुर-दिल्ली ट्रेन अपने रुट पर सब्भनें थमां तेज ट्रेन बनी जाग- जेड़ी 6 घेंटे 40 मिनट च अपना सफर पूरा करोग ते राष्ट्रीय राजधानी ते पंजाब दे मुख्ख शैहरें बश्कार सम्पर्क बेहतर करोग।

<><><><><><><>

PM Conference Legal Aid

प्रधानमंत्री नरेन्द्र मोदी अज्ज संजा नमीं दिल्ली स्थित भारत दे सुप्रीम कोर्ट च कानूनी सहायता देने सरबन्धी तंत्र गी होर तगड़े बनाने पर राष्ट्रीय सम्मेलन गी सम्बोधित करगंन। प्रधानमंत्री राष्ट्रीय कानूनी सेवाएं सरबन्धी अथार्टी (NALSA) आसेया त्यार सामुदायिक मध्यस्थता प्रशिक्षण मॉड्यूल दा आगाज़ करगंन। ओह इस मौके पर मौजूद जनसमूह गी बी सम्बोधित करगंन। दंऊ रोजा सम्मेलन च कानूनी सेवा ढांचे दे मुख्ख पैहलुएं पर सोच-विचार किता जाग।

कानूनी सहायता ते परामर्श प्रणाली, पैनल वकील, स्थायी लोक, विज्ञापन ते कानूनी सेवाएं दे माली प्रबंधन एहदे च शामिल न।

<><><><><><><><>

Prez Visit

राष्ट्रपति द्रौपदी मुरमू होर अज्जै थवां अंगोला ते बोत्स्वाना दी यात्रा पर रौहगंन। एह उन्दी अफ्रीकी मुल्खें दी पैहली यात्रा होग। 13 नवम्बर तगर चलने आहली यात्रा दौरान राष्ट्रपति मुरमू होर अपने हमरुतबा कन्नै दपक्खी गल्लबात करगंन ते ओह उत्थुआं दे सांसदें गी सम्बोधित करगंन। राष्ट्रपति हुंदा उत्थे रवा रदे भारतीय समुदाय दे लोकें कन्नै गल्लबात करने दा कार्यक्रम ऐ। राष्ट्रपति होर 11 नवम्बर गी अंगोला दे 50में स्वतंत्रता दिवस समारोह च हिस्सा लैगंन। इस दौरै दा मकसद दपक्खी सरबंधें दी समीक्षा करना ते भविक्ख च सहयोग दे नमें मौके तलाशना ऐ। दौरै दे दुए गेड़ च ओह बोत्स्वाना जागंन। बोत्स्वाना च प्रोजैक्ट चीता पर बी चर्चा दा कार्यक्रम ऐ। ओह बोत्स्वाना दे राष्ट्रपति हुंदे कन्नै बी दपक्खी गल्लबात करगंन।

<><><><><><><><>

Bihar Campaigning

बिहार च दुए ते अखीरले गेड़ लेई होने आहले मतदान आस्तै प्रचार जोरे-शोरें कन्नै जारी ऐ। एह प्रचार कल संजा सम्पन्न होई जाग। एन.डी.ए महागठबंधन ते होरनें दुए दलें दे बड्डे नेता ते स्टार प्रचारक मतदाताएं गी अपनी पार्टी दे मेदवार दे पक्ख च करने लेई बरोबर रैलियां ते जनसभां करा रदे न।

इस गेड़ च मंगलवारे 20 जिले दे 122 विधान सभा हलके लेई वोट पाए जाने न। प्रधानमंत्री नरेन्द्र मोदी होर अज्ज Sitamarhi ते Bettiah च रैली करगंन। भारतीय जनता पार्टी दे वरिष्ठ नेता राजनाथ सिंह होर Rohtas ते Kaimur जिले च सार्वजनिक बैठकां लागंन। गृहमंत्री अमित शाह होर Katihar च बैठक करगंन। उत्तर-प्रदेख दे मुख्क मंत्री योगी आदित्यानाथ होर पूर्वी चपारन ते गया जी च रैलियां करगंन। कांग्रेस नेता प्रियंका गांधी होर Katihar च 2 रैलियां करगंन। तेजस्वी प्रसाद यादव होर 18 सार्वजनिक बैठकां लागंन। पैहले गेड़ तैहत बिहार च 64.66 फीसद वोट पाए गे। वोटें दी गिनतरी आहला कम्म 14 नवम्बर गी होग।

<><><><><><><><>

Civil Aviation –Delhi Airport

सिविल हवाबाजी मंत्रालय नै आखेया ऐ जे दिल्ली स्थित इंदिरा गांधी अंतराष्ट्रीय हवाई अड्डे पर भारतीय विमानपतन प्राधीकरण नै स्वचालित संदेश स्विचिंग प्रणाली च आई दी तकनीकी समस्या दा हल करी लैता ऐ। इसदे च खराबी औने दी वजह करी उड़ान योजना संदेशें दे प्रसंस्करण च चिर होआ रदा हा। एह प्रणाली हुन कम्म करा रदी ऐ। तकनीकी समस्या करी हवाई अड्डे पर केई घरेलू ते अंतराष्ट्रीय डोआरिएं च चिर लग्गा। मंत्रालय नै इक ब्याने च भरोसा दोआया ऐ जे दिल्ली हवाई अड्डे पर डोआरी च चिर लग्गने आहली स्थिति तौले गै सामान्य होई जाग।

किश लंबित डोआरिएं करी स्वचालित संचालन दे सामान्य संचालन च किश चिर होई सकदा ऐ पर तौले गै स्थिति सामान्य होई जाग।

<><><><><><>

#### India EU FTA Negotiations

यूरोपीय संघ दे वार्ताकारें दा इक सीनियर दल- प्रस्तावित भारत-यूरोपीय मुक्त बपार समझौते (FTA) पर भारतीय हमरुतबा दे लोकें कन्नै गल्लबात लेई नमीं दिल्ली आया। इस महीने दी 3 तरीक गी शुरु होई एह लम्बी वार्ता कल समाप्त होई। बपार ते उद्योग मंत्रालय नै आखेया जे इस दौरान इक व्यापक, संतुलित ते पारस्परिक तौरा पर फायदे आले बपार-समझौते पर चर्चा होई। इस दौरान सोच-विचार च सम्मैयान, सेवाएं, निवेश, बपार, सतत विकास ते तकनीकी बपार सरबंधी अड़चनें सनें केई पैहलू शामिल न।

<><><><><><>

#### Trump- India Visit

अमेरिकी राष्ट्रपति डोनाल्ड ट्रम्प होंरें आखेया जे ओह अगले बरे भारत दी यात्रा करी सकदे न। उनें इस गल्लै पर जोर दिता जे प्रधानमंत्री नरेन्द्र मोदी चाहंदे न जे ओह भारत औन। उनें ट्रम्प गी इक महान व्यक्ति ते मित्र दस्सेया।

2024 च बिलमिंगटन डेला वेयर च क्वॉड शिखर सम्मेलन आयोजित होने दे बाद- भारत नमीं दिल्ली च आस्ट्रेलिया-जापान ते अमेरिका दे लीडरें दी मेजबानी करोग। हालांके भारत च शिखर सम्मेलन दी तरीकें दी घोषणा अजे बाकी ऐ।

<><><><><><>

### Men Cricket

पुरुष क्रिकेट च भारत अज्ज ब्रिस्बेब दे Gabba च 5एं मैचें दी टी-20 श्रृंखला दा अखीरा मैच आस्ट्रेलिया कन्नै खेडोग। एह मैच भारतीय समें मताबक पौने 2 बजे नै शुरु होग। भारतीय टीम नै चौथे मैच च क्वींसलैंड दे कारमारा ओवल च आस्ट्रेलिया गी 48 रन्जे कन्नै 2-1 दी बढ़त बनाई।

<><><><><><>

### Buddha Relics –Thimphu

नमीं दिल्ली स्थित राष्ट्रीय संग्रहालय च स्थापित भगवान बुद्ध हुंदे पवित्र अवशेषें गी अज्ज 11 दिन दी सार्वजनिक प्रदर्शनी आस्तै भूटान लैता जाग। समाजिक न्यां ते अधिकारिता मंत्री विरेन्द्र कुमार प्रतिनिधिमंडल दी अगुआई करगंन। भूटान दे चौथे राजा जिग्में सिंग्ये वांगचुक हुंदी 70मीं जयंति दे मौके पर आयोजित होआ रदे महोत्सव, वैश्विक शांति ते मानवता दी भावना गी रेखांकित करदा ऐ। इनें अवशेषें गी ताशिचां दुजोंग दे कुएनरे हॉल च सार्वजनिक पूजा आस्तै स्थापित कीता जाग।

<><><><><><>

Hockey 100 Years

खेड मंत्री डॉ. मनसुख मांडविया होंरें भारत दे हॉकी च गौरवशाली इतिहास ते वैश्विक मंच पर उसदे दबदबे गी चेता कीता। भारतीय हॉकी दे 100 बरे पूरे होने दे मौके पर कल नमी दिल्ली च आयोजित इक कार्यक्रम गी संबोधित करदे होई डॉ. मांडविया होंरें हॉकी खडारिं दे खेडें सरबंधी कौशल दी सराहना कीती। उने मुश्कल समें च भी बकख बकख मैच जितिए भारत दा मान बदाने आस्तै खडारिं दी सराहना कीती। श्री मांडविया होंरें आक्खेआ जे भारतीय टीम नै चुनौतियें थवां सिक्ख लेईए जीत दी अपनी सदियें पुरानी विरासत गी परतिए हासिल कीता ऐ। खेड मंत्री होंरें एफ.आई.एच हॉकी पुरुष जूनियर विश्व कप ट्रॉफी थवां बी पर्दा गोआरड़ेया। 28 नवम्बर सोयां 10 दिसंबर तक चलने आहला एह टूर्नामेंट चेन्नई ते मदुरै च आयोजित कीता जाग। टूर्नामेंट दे 24 मैचें चा 11 हजार 5 सौ थवां मते खडारी हिस्सा लैडन।

भारतीय हॉकी दे 100 वरे पूरे होने दे मौके पर कल नमी दिल्ली च इक प्रदर्शनी मैच होआ। युवा मामले ते खेड मंत्री मनसुख मांडविया ते संसदीय मामलें दे मंत्री किरिन रिजिजू सनें केंई मन्ने परमन्ने दे लोकें इसदे च हिस्सा लैता। भारतीय हॉकी टीम दे साबका खडारी भी मैच दिखने आस्तै पुज्जे।

<><><><><><>